

地府十王拔度儀



地府十王拔度儀

爲八

法事

普獻無邊聖香煙散大羅諸天無量聖日月
斗星辰玄師經籙祖天府衆高真願垂大慈
力超度此亡靈和不可思議功德

普獻無邊聖香煙透冥關酆都岱嶽府考校
罪魂司幽牢遍諸獄地府衆威靈願垂大慈
力超度此亡靈和不可思議功德

普獻無邊聖香煙遍博桑江河淮海濟雷電
雨龍神十洲三島谷水府衆仙真願垂大慈

力超度此亡靈和不可思議功德

啓聖入科

伏以天高地下布品彙以昭彰日往月來成
四時之代謝有生必盡無始不終覩山澤之
難藏知形數之不免皇天有監造物無私生

爲八

雖貴賤之殊死無高下之間人生一世幻化
非堅假合形軀強成四體似枕前之春夢如
石中之火光似猛風之徹燭如水上之浮漚
變滅須臾之間成壞俄頃之際形歸於地魄
返諸幽惟彼至人超於妙外行乎萬人之上

坐閱古人之徒千載歸來嘆城郭之猶是一
朝頓悟雖宇宙之難籠苟非自得其方難免
同歸於土今齋官某伏爲亡過某恐緣在世
之時身有無邊之罪歸依真教大啓琅函恭
對高真稱揚聖號

大聖三寶天尊

爾時元始天尊在西那玉國鬱絕之山長樂
宮中黃金殿內與太上道君演教世界衆生
死經十大地獄因緣罪福報對無休救妙行
真人承此光明下入九幽普拔亡靈悉令超

度以今懺悔說此善緣各啓虔誠同聲讚詠
信禮無上大羅天三清三境三寶天尊

三尊聖號功德無邊可以超度亡靈可以保
扶見在今亡過某追修冥路早遂超昇先請
五分冥香供養

為八

三清上聖降臨道場次請大德法師行持法
事仰憑法衆齊聲讚嘆大不可思議道香德
香無爲香解脫香自然微妙返生香香冉冉
珮玲玲唯聞法師讚嘆聲寶蘊一開天地靜
逸巡早見異光生一炷冥香藝返魂望空供

養玉晨尊願降大慈無礙力使令亡者早超
昇和不可思議功德

焚香仰啓法中王 清微天中爲聖主
生天生地生人物 高上玉清元始尊
和不可思議功德

焚香仰啓法中王 禹餘天中爲教主
傳經傳教傳萬法 高上玉晨大道君
和不可思議功德

焚香仰啓法中王 太赤天中爲化主

造化三才運五行 高上五靈玄老君

和不可思議功德

爾時元始天尊告妙行真人曰北方溟海之外十萬餘里有一世界名曰洞陰朔單鬱絕之國中有一帝君號曰五靈玄老黑帝天君統領北鄉無鞅聖衆有一大山號曰豐都山

爲八

三

上接閻風之臺週迴五萬餘里下有六洞謂之曰陰景天宮即太溟水帝北陰天君豐都大帝之所治也諸天直使五斗靈君東斗生炁君南斗司禁君西斗生形君北斗司命君中斗總錄君九合土主五嶽大神以爲僚屬

分司佐治十位真君諸大地獄校量善惡拷
掠魂神應是亡歿之人遍須經詣是時坐中
有一真人名曰妙行瞻依天尊作諸是頌拔
度亡人今日敷揚用伸懺念

太一救苦天尊

焚香供養冥府第一宮秦素妙廣真君世人
所謂秦廣大王其中地獄長蛇吐焰鐵狗噴
煙亡人一七先到此宮天尊哀憫救度亡魂
出離冥塗迺稱偈讚

玉寶皇上天尊

茫茫苦海實堪哀
惡業於身手自裁

魂魄已歸司命府
幽關鎖閉幾時開

長蛇吐焰炎如火
鐵狗噴煙陣陣來

稽首諦聽三寶頌
普令超度出泉臺

和不可思議功德

爾時真人聞是頌已
懽喜踴躍仰謝

天尊再稱偈讚

九幽拔罪天尊

無邊聖力不思議
盡釋幽牢拷對詞

一道祥光來接引
亡靈隨逐上丹墀

和願薦此亡靈往生極樂國

焚香供養冥府第二宮陰德定休真君見世
名曰初江大王其中地獄刀山劒樹火翳寒
冰亡人二七須詣此宮天尊哀憫拔度亡魂
出離冥塗迺稱偈讚

為八

玄真萬福天尊

衆生成造惡因緣 孰為回心見福田

劒樹刀山屠一體 湯隨烈火恣烹煎

無明種種欺方寸 一念思惟祇罪愆

汝等歸依無上道 當來速得往生天

和不可思議功德

爾時真人聞是頌已心大懽喜稽首

天尊再吟偈讚

十方救苦天尊

悠悠長夜可悲傷
一切衆生苦莫當

仰賴慈尊垂救度
須臾熱惱化清涼

和願薦此亡靈往生極樂國

焚香供養冥府第三宮洞明普靜真君世人
所謂宋帝大王其中地獄吞火食毒屠割身
形亡人三七須詣此宮天尊大慈不令一紅涉

迺作偈頌

太妙至極天尊

冥冥幽府九重根
長夜唯聞苦毒聲

獄卒強教吞毒炭
牛頭屠割汝形身

前生業果重重積
歿後悲酸一一經

為八

今日聽宣無上道
此身速離廣寒庭

五

和不可思議功德

爾時真人聞是頌已說大慈心讚嘆

天尊而作偈頌

朱陵度命天尊

天尊說教大慈悲
惡業衆生盡得離
五色祥光開道路
從今同會入無爲
和願薦此亡靈往生極樂國

焚香供養第四宮玄德五靈真君世人所謂
件官大王其中地獄負沙運石無有休息亡
人四七須詣此宮天尊大慈廣垂哀憫救度
衆生而作偈頌

玄上玉晨天尊

艷都六洞大冥鄉

窈窕窮魂實可傷

惡業沉魂歸地府

善功圓滿上天堂

負沙運石無休息
滾滾長河似沸湯
諦聽慈悲無上語
今為甘露入飢腸
和不可思議功德

爾時真人聞是頌已稽首

天尊讚嘆無量再吟偈頌

法橋大度天尊

天尊無量救眾生
白簡丹書地獄迎

至一切愆尤俱解釋
從今拷掠頓超昇

和不可思議功德

焚香供養冥府第五宮最聖耀靈真君世人

所謂閻羅大王乃北陰天君之上佐諸大地
獄之總司號同九幽位齊五斗亡人五七當
至此宮業鏡現形隨緣報對天尊慈憫普為
衆生拔度亡魂而作偈頌

度仙上聖天尊

為八

六

衆生顛倒昧元因

慾海茫茫錯用心

金玉如山難濟死

臨行惟有業隨身

三塗渺渺無超度

長夜冥冥正拷魂

地獄須臾皆解脫

一心恭敬大慈尊

和不可思議功德

爾時真人聞是慈悲稽首作禮上白

天尊再吟偈頌

火鍊丹界天尊

衆生業障本由心

解脫須憑無量因

稽首虛皇無上道

一言寶偈勝千金

和願薦此亡靈往生極樂國

焚香供養冥府第六宮寶肅昭成真君世人
所謂變成大王其中地獄金釘拔舌鐵斧剗
曾亡人六七當詣此宮晝夜拷魂被受諸苦
天尊慈憫奉爲一切窮魂而作偈頌

好生度命天尊

刀山劒樹鐵成林

惡業衆生正苦吟

浮世電光來快樂

冥塗千劫永湮沉

陰司報對無容隱

拔舌剗胷痛莫禁

爲汝滅除無量業

當來稽首謝三清

爲八

和不可思議功德

爾時真人聞是頌已頂禮恭敬上白

天尊再吟偈頌

金闕化身天尊

慈尊惠度說因緣

接引衆生上法船

鍊度此形成妙質 當知聖力大無邊

和願薦此亡靈往生極樂國

焚香供養冥府第七宮泰山玄妙真君見世
名曰泰山大王受上帝敕命佐理北陰晝居
東嶽夜入冥府亡人終七須詣此宮拷定因
緣校量罪福天尊救度普使超昇為諸衆生
而作偈頌

太靈虛皇天尊

人間禍福本無門

汝等親裁善惡根

方寸但知藏垢穢

百年數盡作孤魂

業風吹處生還死
萬劫悲辛不忍聞
為汝滅除無量業
當來來敬大元君

和不可思議功德

爾時真人聞是妙音發無上道心稽首

天尊再吟偈頌

逍遙快樂天尊

悠悠五苦報囚徒
高上慈尊盡拔扶
倏忽遍蒙甘露洒
幽關無數出泥塗

和願薦此亡靈往生極樂國

焚香供養冥府第八宮無上正度真君世人

所謂平等大王其中罪人手抱銅柱身卧鐵
牀死經百日方到此宮罪業大深拘留此獄
天尊大慈哀憫衆生濟度罪魂而作偈頌

無量太華天尊

冥官鼓筆怒威驚 拷掠悲辛不忍聞

馬八

八

人世百年無片善 亡靈過惡似沙塵

陰關未隔陽光界 骨肉為誰救拔人

惟願脫離幽鎖去 得生恭敬大慈尊

和不可思議功德

爾時真人聞是頌已禮謝

天尊再吟偈頌

隨願往生天尊

虛皇一念向衆生 地獄咸聽大法音

倏忽超昇三界上 永離幽夜劍林中

私願薦此亡靈往生極樂國

焚香供養冥府第九宮飛魔演化真君世人
所謂都市大王其中地獄鋸解鑊湯萬死千
生無有休息死經周歲方詣此宮天尊布化
普爲衆生大啓慈悲救苦度厄而作偈頌

玉虛明皇天尊

冥關一閉永無光
冥漠幽昏去路長

浮世何由通信息
豐都境界隔陰陽

危冠朱吏司刑劓
獄卒牛頭掌鑊湯

稽首慈尊來救苦
願乘超度入仙鄉

和不可思議功德

為八

九

爾時真人聞是頌已
懽喜讚嘆功德無邊稽

首

天尊再吟偈頌

乘功託化天尊

天尊法力不思議
一切天神願賴依

白簡真符來地獄 威光前路引魂儀

和願薦此亡靈往生極樂國

焚香供養冥府第十宮五靈威德真君見世
名曰轉輪大王應諸罪魂死經大祥方至此
宮天尊憫濟救拔亡靈而為偈頌

真皇洞神天尊

虛皇演教說真詮 普為衆生度有緣
行滿登高無色界 罪根深重入冥泉

逍遙宴處金華館 累劫應知見福田
一切幽魂咸解脫 盡披重霧覩青天

和不可思議功德

爾時真人聞是頌已讚嘆無量再吟偈頌

寶華圓滿天尊

天尊哀憫救群迷

九夜幽魂盡出離

徑上南宮咸受度

普皆同會入無爲

和願薦此亡靈往生極樂國

天尊言一切衆生死經地獄魂繫酆都備受

諸苦時時拷掠刀山屠割銅柱鐵牀火翳寒

池無邊苦惱吾今爲汝稱吟寶偈舉無量音

響徹十方聲聞九地拷對悉皆解脫魂神受



鍊徑上南宮劫劫生生長居快樂
 向來演說天尊偈頌十王真君名號功德圓
 成超度亡過某人往生天界伏願承茲妙果
 盡釋愆尤速離幽暗之鄉徑達往生之路然
 莫福流見在慶及家門一切有情同登道岸

為八

十

諷經 宣疏 向來 回向

地府十王拔度儀終

